

საქართველოს ეკონომიკისა და მდგრადი განვითარების სამინისტრო

საქართველოს ეკონომიკისა და მდგრადი განვითარების სამინისტროს ბალანსზე
არსებული ავტომატური დაზღვევის მომსახურების შესყიდვის

სატენდერო დოკუმენტაცია

ქ. თბილისი - 2012 წელი

სარჩევი

1. ტექნიკური და საკვალიფიკაციო მოთხოვნები	3
2. ტექნიკური დავალება.....	5
3. რეკვიზიტები (დანართი №1).....	8
4. ფასების ცხრილი (დანართი №2).....	9
5. სახელმწიფო შესყიდვის შესახებ ხელშეკრულების პროექტი.....	10

1. ტექნიკური და საკვალიფიკაციო მოთხოვნები

1.1 პრეტენდენტებმა ტექნიკური დოკუმენტაციის სახით სისტემაში უნდა ატვირთონ შემდეგი დოკუმენტები და ინფორმაცია:

- ა) რეკვიზიტები დანართი №1-ის შესაბამისად;
- ბ) შესაბამისი საქმიანობის ლიცენზია;
- გ) პრეტენდენტს უნდა გააჩნდეს მინიმუმ 2 (ორი) წლიანი გამოცდილება სადაზღვევო ბაზარზე ანალოგიური დაზღვევის მომსახურების გაწევის შესახებ (წარმოსადგენია ინფორმაცია დამკვეთი ორგანიზაციებისა და მათთან გაფორმებული ხელშეკრულებების ღირებულებების შესახებ);
- დ) ინფორმაცია ზარალის (სადაზღვევო შემთხვევის) დადგომის შემთხვევისას „მიმწოდებლისთვის“ „შემსყიდველის“ მიერ ზარალის ასანაზღაურებლად წარმოსადგენი დოკუმენტების შესახებ;
- ე) ფასების ცხრილი დანართი №2-ის შესაბამისად;
- ვ) პრეტენდენტის უფლებამოსილი პირის ხელმოწერილი დასტური იმის თაობაზე, რომ ტენდერში გამარჯვების შემთხვევაში მომსახურება გაწეული იქნება წინამდებარე დოკუმენტაციაში მოცემული ტექნიკური დავალების შესაბამისად.

შენიშვნა: სავალდებულოა სისტემაში ატვირთული ნებისმიერი დოკუმენტი ხელმოწერილი და ბეჭედდასმული (ბეჭდის არსებობის შემთხვევაში) იყოს პრეტენდენტის შესაბამისად უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულება).

1.2 სახელმწიფო შესყიდვების ერთიან ელექტრონული სისტემაში სატენდერო წინადადების (ტექნიკური დოკუმენტაციისა და სატენდერო წინადადების ფასი) წარდგენით პრეტენდენტი ავტომატურად გამოხატავს თანხმობას ამ პუნქტის „ა“ -„ვ“ ქვეპუნქტებში განსაზღვრულ მოთხოვნებზე.

- ა) ანგარიშსწორება განხორციელდება ეტაპობრივად, ფაქტიურად გაწეული მომსახურების შესაბამისად. ანგარიშსწორებისათვის შემსყიდველსა და მიმწოდებელს შორის უნდა გაფორმდეს მიღება-ჩაბარების აქტი. მიმწოდებელი ვალდებულია მიაწოდოს შემსყიდველს თანმხლები დოკუმენტაცია. ანგარიშსწორება მოხდება შემსყიდველის მიერ მიღება-ჩაბარების აქტის ხელმოწერიდან 20 სამუშაო დღის განმავლობაში.
- ბ) წინასწარი გადახდის მექანიზმი არ გამოიყენება;
- გ) სატენდერო წინადადება უნდა მოქმედებდეს მისი სისტემაში ატვირთვის დღიდან „ხელშეკრულება დადებულია“, „დასრულებულია უარყოფითი შედეგით“ ან „ტენდერი შეწყვეტილია“ ეტაპების დადგომამდე;
- დ) ტენდერში გამოყენებული იქნება სატენდერო წინადადების უზრუნველყოფის გარანტია (ელექტრონული გარანტია) სატენდერო განცხადებაში მითითებული სავარაუდო ღირებულების 1(ერთი)%-ის ოდენობით, რომლის მოქმედების ვადა

განისაზღვრება მინიმუმ 30 (ოცდაათი) კალენდარული დღით, ტენდერისათვის სტატუსის – „წინადადების მიღება დაწყებულია” მინიჭების ეტაპიდან;

ე) სატენდერო წინადადებაში საერთო და ერთეულის ფასი გამოსახული უნდა იყოს ყველა ხარჯისა და საქართველოს კანონმდებლობით დაწესებული გადასახადის გათვალისწინებით;

ვ) პრეტენდენტს არა აქვს უფლება წარმოადგინოს ალტერნატიული წინადადება.

1.3 გამარჯვებულმა პრეტენდენტმა უნდა წარმოადგინოს საკვალიფიკაციო მონაცემების დამადასტურებელი შემდეგი დოკუმენტები:

იურიდიული პირისათვის და ინდივიდუალური მეწარმისათვის

(საჯარო სამართლის იურიდიული პირი ქვემოთ მოყვანილი მონაცემებს წარმოადგენს მისთვის მოქმედი კანონმდებლობით დადგენილი თავისებურებებიდან გამომდინარე, ხოლო არარეზიდენტი პირი წარმოადგენს ქვემოთ მოყვანილი მონაცემებით გათვალისწინებული არსის მქონე დოკუმენტებს უცხო ქვეყნის შესაბამისი ორგანოდან, თარგმნის და დამოწმებულს კანონმდებლობით დადგენილი წესით):

ა) ცნობა შესაბამისად უფლებამოსილი ორგანოდან, რომ პრეტენდენტის მიმართ არ მიმდინარეობს გადახდისუუნარობის საქმის წარმოება;

ბ) ამონაწერი მეწარმეთა და არასამეწარმეო (არაკომერციული) იურიდიულ პირთა რეესტრიდან;

გ) ცნობა მეწარმეთა და არასამეწარმეო (არაკომერციული) იურიდიულ პირთა რეესტრიდან რომ არ ხორციელდება პრეტენდენტი იურიდიული პირის რეორგანიზაცია ან ლიკვიდაცია.

ფიზიკური პირებისათვის:

ა) პირადობის მოწმობის ან პასპორტის ასლი;

ბ) ცნობა შესაბამისად უფლებამოსილი ორგანოდან, რომ მის მიმართ არ მიმდინარეობს გადახდისუუნარობის საქმის წარმოება.

შენიშვნა: შემსყიდველის მიერ აღნიშნული დოკუმენტების წარმოდგენის მოთხოვნა განისაზღვრა, მიმწოდებელის ქმედითუნარიანობის და მომსახურების დროულად და შეუფერხებლად გაწევის უფლებამოსილების დადგენის მიზნით.

საკვალიფიკაციო მოთხოვნებით გათვალისწინებული ადმინისტრაციული ორგანოებიდან წარმოსადგენი დოკუმენტები (პუნქტი 1.3) გაცემული უნდა იყოს სახელმწიფო შესყიდვების სააგენტოს თავმჯდომარის 2011 წლის 07 აპრილის N9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის” მე-2 მუხლის პირველი პუნქტის „კ” ქვეპუნქტით გათვალისწინებული ეტაპის დაწყების შემდეგ. აღნიშნული დოკუმენტები წარმოდგენილი უნდა იქნეს მხოლოდ გამარჯვებული პრეტენდენტის მიერ, შემსყიდველი ორგანიზაციის წერილობითი მოთხოვნის შესაბამისად. პრეტენდენტის მიერ ადმინისტრაციული ორგანოებიდან წარმოსადგენი საკვალიფიკაციო მონაცემების წარმოდგენა შემსყიდველ ორგანიზაციაში ხორციელდება სისტემის გამოყენების გარეშე, წერილობითი ფორმით. პრეტენდენტის მიერ საკვალიფიკაციო მონაცემების წარმოდგენლობის ან/და ხარვეზის მქონე მონაცემების წარმოდგენის შემთხვევაში სატენდერო კომისია მოახდენს ამ პრეტენდენტის დისკვალიფიკაციას.

2. ტექნიკური დავალება

2.1 ავტომანქანების დაზღვევის მომსახურების უზრუნველყოფა მოიცავს საქართველოს ეკონომიკისა და მდგრადი განვითარების სამინისტროს ბალანსზე არსებული 2 (ორი) ერთეული ავტომანქანის დაზღვევის მომსახურებას საქართველოს მთელ ტერიტორიაზე, ასევე თურქეთის, აზერბაიჯანის და სომხეთის ტერიტორიაზე.

2.2 მიმწოდებელმა მომსახურების გაწევა უნდა უზრუნველყოს ხელშეკრულების ძალაში შესვლიდან 2012 წლის 31 დეკემბრის ჩათვლით.

2.3 ზარალის ანაზღაურება უნდა მოხდეს მოთხოვნილი საბუთების სრულად წარდგენიდან არაუმეტეს 10 (ათი) სამუშაო დღისა, ქურდობა ყაჩაღობის შემთხვევაში მაქსიმუმ 1 (ერთი) თვეში.

2.4 სრული ზარალისას ფულადი ანაზღაურების შემთხვევაში, ანაზღაურება უნდა შეადგენდეს დაზღვეული მანქანის საბალანსო ღირებულების არანაკლებ 80%-ს;

2.5 დასაზღვევი 2 (ორი) ავტომანქანის საერთო საბალანსო ღირებულებაა 78 366,77 (სამოცდათვრამეტი ათას სამასსამოცდაექვსი ლარი და სამოცდაჩვიდმეტი თეთრი) ლარი.

2.6 ავტოტრანსპორტის სრული დაზიანება (განადგურება) – ავტომანქანის დაზიანება 70%-ით ან მეტით ანუ სატრანსპორტო საშუალება ითვლება განადგურებულად (სრული დაზიანება), თუ ავტოტრანსპორტის აღდგენითი ღირებულება მისი საბაზრო ღირებულების (ზარალის მომენტისათვის) 70%-ს ან მეტს შეადგენს.

№	მარკა	მოდელი	გამოშ. წელი	სახ. ნომერი	საბალანსო ღირებულება
1.	Toyota	RAV-4	2007	NVN-835	20 104, 15 (ოცი ათას ასოთხი ლარი და თხუთმეტი თეთრი) ლარი
2.	Hyundai	Grandeur	2011	FCF-833	58 262,62 (ორმოცდათვრამეტი ათას ორასსამოცდაორი ლარი და სამოცდაორი თეთრი) ლარი
ჯამი:					78 366,77 (სამოცდათვრამეტი ათას სამასსამოცდაექვსი ლარი და სამოცდაჩვიდმეტი თეთრი) ლარი.

2.7 ავტომანქანის სავალდებულო სადაზღვევო რისკების ჩამონათვალი:

ა) ავტოტრანსპორტისათვის გარეგანი ზემოქმედებით მიყენებული დაზიანება; ავტოსაგზაო შემთხვევა; ხანძარი; აფეთქება; დაზღვევის საგნის გატაცება; გატაცების მცდელობა, ქურდობა, ძარცვა, ყაჩაღობა, ვანდალური ქმედება, სტიქიური მოვლენები, საგნების ვარდნა;

ბ) სამოქალაქო პასუხისმგებლობა მესამე პირთა წინაშე; კერძოდ, დაზღვეული ავტოტრანსპორტის უფლებამოსილი მძღოლის მიერ ექსპლუატაციისას მესამე პირის სიცოცხლის, ჯანმრთელობისა და/ან ქონებისათვის მიყენებული ზიანის ანაზღაურების პასუხისმგებლობის დადგომა;

ლიმიტი ერთეულ ავტომობილზე არანაკლებ 18 000 (თვრამეტიათასი) ლარი (ფრანშიზა 0%)

გ) მძღოლისა და მგზავრების უბედური შემთხვევისგან დაზღვევა. სერთიფიკატში (პოლისში) მითითებული ლიმიტის ფარგლებში დაზღვეული მგზავრების ან/და მძღოლის ჯანმრთელობის მდგომარეობის გაუარესებასთან ან/და გარდაცვალებასთან დაკავშირებული ხარჯები, რაც გამოწვეულია დაზღვეული ავტომობილით მგზავრობისას დაზღვეული ავტომობილის ავტოსაგზაო შემთხვევით. ლიმიტი ერთეულ ავტომობილზე არანაკლებ 18 000 (თვრამეტიათასი) ლარი სუბლიმიტი ერთ პირზე არანაკლებ 3 600 (სამიათასექვსასი) ლარი (ფრანშიზა 0%).

2.8 ფრანშიზას პირობები :

2.8.1 ნაწილობრივი და სრული ზარალის შემთხვევაში 0 % (მათ შორის აქსესუარების ცალკეული დაზიანება ქურდობის შემთხვევაში)

2.8.2 მიმწოდებელი ვალდებულია:

ა) წარმოადგინოს ინფორმაცია იმ დოკუმენტების ჩამონათვალზე, რომელიც სავალდებულო იქნება ზარალის დადგომის შემთხვევაში შემსყიდველის მიერ მისთვის წარსადგენად, რომ განხორციელდეს ზიანის ანაზღაურება;

ბ) დაზღვევის მომსახურების დადასტურების მიზნით გადასცეს შემსყიდველს შესაბამისი დაზღვევის პოლისი;

გ) მოახდინოს სადაზღვევო ანაზღაურების გაცემა ანაზღაურებისათვის აუცილებელი ყველა საჭირო დოკუმენტის მიღებიდან არაუმეტეს 10 (ათი) სამუშაო დღის ვადაში, ხოლო მესამე პირთა მართლსაწინააღმდეგო ქმედებით ზიანის მიყენების, ქურდობა, ძარცვა, ყაჩაღობის (მათი მცდელობის) რისკზე სადაზღვევო შემთხვევის დადგომისას, სადაზღვევო ანაზღაურება გაიცემა ანაზღაურების გაცემისათვის აუცილებელი ყველა საჭირო დოკუმენტის მიღებიდან მაქსიმუმ 1 (ერთი) თვის ვადაში.

შესყიდვის ობიექტის სავარაუდო ღირებულება - 2400 (ორიათასოთხასი) ლარი.

3. დამატებითი ინფორმაცია შეგიძლიათ მიიღოთ შემდეგი საკონტაქტო პირებისაგან:

სატენდერო კომისიის აპარატის წევრები:

ოთარ პეტრიაშვილი, ტელ: 299 11 08

შალვა გოგიჩაიშვილი, ტელ: 299 10 76

1. რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის კოდი:

ანგარიშის ნომერი:

პრეტენდენტის ხელმოწერა _____

და ბეჭედი

ფასების ცხრილი

№	მარკა	მოდელი	გამოშ. წელი	სახ. ნომერი	საბაღანსო ღირებულება	ერთეულის ფასი (ღირებულება 1 თვეში)	საერთო ფასი (ღირებულ ება 6 თვეში)
1.	Toyota	RAV-4	2007	NVN-835	20 104, 15 (ოცი ათას ასოთხი ლარი და თხუთმეტი თეთრი) ლარი		
2.	Hyundai	Grandeur	2011	FCF-833	58 262,62 (ორმოცდათვრამე ტი ათას ორასსამოცდაორი ლარი და სამოცდაორი თეთრი) ლარი		
სულ ჯამი:							

პრეტენდენტის ხელმოწერა _____

და ბეჭედი

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად გამარჯვებულ პრეტენდენტთან. წინამდებარე ხელშეკრულების პროექტის პირობები დაზუსტდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი

ხელშეკრულება სახელმწიფო შესყიდვების შესახებ №

(გამარტივებული ელექტრონული ტენდერი № SPA-----)

წინამდებარე ხელშეკრულება დაიდო 2012 წლის ----- ქ. თბილისში

შემსყიდველი: საქართველოს ეკონომიკისა და მდგრადი განვითარების სამინისტრო, მისი უფლებამოსილი წარმომადგენლის საფინანსო, სახელმწიფო შესყიდვებისა და ლოჯისტიკის დეპარტამენტის უფროსის ნინო მურჯიკნელის სახით.

მისამართი: ქ. თბილისი, გ. ჭანტურიას ქუჩა №12, ტელეფონი 299-10-76

საბანკო რეკვიზიტები: სახელმწიფო ხაზინა, კოდი TRESGE22, ა/ა №200122900,

ს/კ 203840433

მიმწოდებელი:

საინდეტიფიკაციო კოდი:

მისამართი:

ხელმძღვანელი:

საბანკო რეკვიზიტები:

ერთი მხრივ – **შემსყიდველი**, და მეორე მხრივ – **მიმწოდებელი**, ადასტურებენ, რომ მათ შორის მიღწეულია შეთანხმება შემდეგზე:

1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ – კალენდარული დღე, კვირა, თვე.
- 1.4. „შემსყიდველი“ – ორგანიზაცია, რომელიც ახორციელებს შესყიდვას.
- 1.5. „მიმწოდებელი“ – პირი, რომელიც ახორციელებს მომსახურებას ხელშეკრულების ფარგლებში.
- 1.6. „მომსახურება“ – ხელშეკრულების მე-2 მუხლით გათვალისწინებული ხელშეკრულების საგანი.
- 1.7. „ტექნიკური დავალება“ – სატენდერო დოკუმენტაციის ტექნიკური დავალება, რომელიც დაერთვება ხელშეკრულებას, როგორც მისი განუყოფელი ნაწილი

2. ხელშეკრულების საგანი

2.1 საქართველოს ეკონომიკისა და მდგრადი განვითარების სამინისტროს 2012 წლის სახელმწიფო ბიუჯეტით დამტკიცებული ასიგნებების ფარგლებში სამინისტროს ბალანსზე არსებული ავტომანქანების დაზღვევის მომსახურების შესყიდვა.

3. ხელშეკრულების ღირებულება

3.1 ხელშეკრულების ღირებულება: ----- ლარი.

3.2 ხელშეკრულების ღირებულება შეიცავს მიმწოდებლის ყველა ხარჯებსა და საქართველოს კანონმდებლობით დადგენილ გადასახადებს, დაკავშირებულს მომსახურების გაწევასთან.

4. მხარეთა უფლება-მოვალეობები

4.1 მიმწოდებელი ვალდებულია:

ა) სამინისტროს გაუწიოს მის ბალანსზე არსებული ავტომანქანების დაზღვევის მომსახურება.

4.2 მიმწოდებელი უფლებამოსილია:

ა) შემსყიდველს მოსთხოვოს ხელშეკრულებით ნაკისრი ვალდებულებების შესრულება.

4.3 შემსყიდველი ვალდებულია:

ა) განახორციელოს წინამდებარე ხელშეკრულებით გათვალისწინებული მოთხოვნების დაცვით გაწეული მომსახურების ღირებულების ანაზღაურება.

4.4 შემსყიდველი უფლებამოსილია:

ა) მიმწოდებლისგან მოითხოვოს მომსახურების გაწევა ხელშეკრულებით გათვალისწინებულ დროსა და ადგილას;

ბ) შეამოწმოს მოსახურების გაწევის ხარისხი.

გ) მონიტორინგის შედეგად მიმწოდებლის მიერ ხელშეკრულებით გათვალისწინებული პირობების დარღვევის აღმოჩენის შემთხვევაში მისცეს მას მითითება ვალდებულებების დარღვევის გამოსწორების შესახებ ან შეწყვიტოს (არ განახორციელოს) მიმწოდებლის დაფინანსება.

5. ანგარიშსწორების ფორმა და ვადები

5.1 გაწეული მომსახურების ანაზღაურება განხორციელდება ეტაპობრივად, წინამდებარე ხელშეკრულების 6.3 პუნქტით გათვალისწინებული დოკუმენტაციის წარმოდგენიდან 20 სამუშაო დღის განმავლობაში.

5.2 ანგარიშსწორების ვალუტა: ლარი;

5.3 ანგარიშსწორების ფორმა: უნაღდო.

6. მიღება-ჩაბარების წესი

6.1 წინამდებარე ხელშეკრულებით გათვალისწინებული მომსახურების მიღების მიზნით, შემსყიდველსა და მიმწოდებელს შორის ფორმდება მიღება-ჩაბარების აქტი.

6.2 შემსყიდველის მხრიდან მიღება-ჩაბარების აქტზე ხელმოწერის უფლებამოსილება ენიჭება ---
-----.

6.3 მომსახურების მიღების დადასტურების მიზნით შემსყიდველისა და მიმწოდებლის მიერ ხელმოწერილ მიღება-ჩაბარების აქტთან ერთად სავალდებულოა საგადასახადო ანგარიშფაქტურის წარმოდგენა.

7. მომსახურების გაწევის ადგილი და ვადა

7.1 მომსახურების გაწევა უნდა განხორციელდეს დანართის შესაბამისად.

7.2 მომსახურება უნდა განხორციელდეს სატენდერო დოკუმენტაციით გათვალისწინებული პირობების შესაბამისად.

8. ხელშეკრულებით ნაკისრი ვალდებულებების შესრულების ინსპექტირება

8.1 ხელშეკრულებით ნაკისრი ვალდებულებების შესრულების ინსპექტირებას განახორციელებს ---
-----.

8.2 ინსპექტირება გულისხმობს მიმწოდებლის მიერ ხელშეკრულების პირობების შესრულების, აგრეთვე გაწეული მომსახურების ხარისხის კონტროლს.

8.3 ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

9. პირგასამტეხლო ხელშეკრულების პირობების შეუსრულებლობისათვის

9.1 მხარეებმა ხელშეკრულებით გათვალისწინებული ვალდებულებები უნდა შეასრულონ ჯეროვნად, კეთილსინდისიერად, ხელშეკრულებით დათქმულ დროსა და ადგილას. მხარეები პასუხს აგებენ ხელშეკრულებით განსაზღვრული პირობების შეუსრულებლობის, არაჯეროვანი შესრულების ან/და დაგვიანებით შესრულებისათვის ხელშეკრულებით და საქართველოს კანონმდებლობით დადგენილი წესით.

9.2 ფორს-მაჟორული პირობების გარდა, მიმწოდებლის მიერ ხელშეკრულების პირობების შეუსრულებლობის, არაჯეროვანი შესრულების ან/და დაგვიანებით შესრულების შემთხვევაში გამოიყენება სანქციები, რომელთა ფორმა, ოდენობა, ამოქმედების პირობები განსაზღვრულია წინამდებარე ხელშეკრულებით.

9.3 მიმწოდებლის მიერ ნაკისრი ვალდებულებების შეუსრულებლობის ან/და არაჯეროვნად შესრულების შემთხვევაში შემსყიდველი უფლებამოსილია დააკისროს მიმწოდებელს პირგასამტეხლო ხელშეკრულების ღირებულების 10%-ის ოდენობით.

9.4 არაჯეროვნად შესრულებას წარმოადგენს უხარისხო საქონლის მიწოდება. ამასთან, არაჯეროვნად გაწეულად მიიჩნევა ნებისმიერი ვალდებულების შეუსრულებლობა, რომელიც ნაკისრი აქვს მიმწოდებელს წინამდებარე ხელშეკრულებით, გარდა 9.5 პუნქტით განსაზღვრული შემთხვევისა.

9.5 მიმწოდებლის მიერ დაგვიანებით შესრულებას წარმოადგენს საქონლის მიწოდების წინამდებარე ხელშეკრულებით გათვალისწინებული მიწოდების ვადის დარღვევა, რისთვისაც შემსყიდველი უფლებამოსილია დააკისროს მიმწოდებელს პირგასამტეხლო ყოველ ვადაგადაცილებულ დღეზე დროულად მიუწოდებელი საქონლის ღირებულების 0,1%-ის ოდენობით.

10. ხელშეკრულებაში ცვლილების შეტანა და ხელშეკრულების შეწყვეტა

10.1 ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

10.2 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.3 ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

11. დაუძლეველი ძალა

11.1 მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

11.2 თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან;

11.3 მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

12. დავები და მათი გადაწყვეტის წესი

12.1 ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

13. ხელშეკრულების მოქმედების ვადა

13.1 ხელშეკრულება ძალაში შედის -----.

14. მხარეთა ხელმოწერები

შემსყიდველის მხრიდან

მიმწოდებლის მხრიდან

საფინანსო, სახელმწიფო შესყიდვებისა და
ლოჯისტიკის დეპარტამენტის უფროსი
ნინო მურჯიკნელი
